

Sumobsöd svistama stäni!
Neflenami obs hetobs.
Dakipobsöd ga baläli!
Volapüki beyubobs.
Vokädotsöd ko cifal:
„Menefe bal, püki bal!“

Kis okanon-li plu svistön
lölika vola menis?
Kis plu ogudükumon-li
ka pük bal onas stadis?
Klu vokädotsöd bu val:
„Menefe bal, püki bal!“

Cifal püka ga lifomös!
Lifonsös slopana ona!
Volapük ai floronös,
e spiked jönik ona!
Klu tonosös love tal:
„Menefe bal, püki bal!“